

amodo nequaquam fiant, Sed quicquid parsimonia defuncti prælati coacer-  
natum ac relictum fuit, vel necessarijs vsibus ecclesiæ, aut successorum, aut  
pauperum eius regionis, vbi religiosa ista domus sita est, applicetur.

De vita & conuersatione monachorum. Cap. XV.

**E**T vt reuertamur ad monachorum vitam, haud ignorare debent **Con-** Ex Concil.  
Calcedon.  
cilio Calcedonenſi cautum, monachos oportere quieti operam dare,  
ieiunia & orationes obseruare, in his locis, in quibus se semel deo deuoue-  
runt, remanere, nullas ecclesiasticas seu seculares actiones tractare, nunquam  
sua monasteria relinquere, nisi forsan ob ingentes necessitates id facere a suo  
episcopo iubeant, ne nomē dñi blasphemēt. Quare libertas illa peregrinādi  
seu exeundi, prætextu inuisendi parētes, moderāda seu penitus tollēda erit.

Monachorum studia atque exercitationes quales esse  
oporteat. Cap. XVI.

**M**onachus & monacha amare debent scripturarum scientiam, & car- Hiero. ad Ru-  
sti, mona.  
nis vitia non amare. Psalterij librum de manu aut oculis nunquam de-  
ponere, semper orare, sensu vigilare, vanis cogitationibus aditum præclude-  
re, corpore pariter & animo in deum tendere, iram patientia vincere. Breui-  
ter, nullis animi perturbationibus (quæ si insederint, ad delictum maximum  
inducunt) locum dare. Semper aliquid operis facere, vt eos diabolus semper  
inueniat occupatos, Et vt multa sint quæ manibus operari liceat, libros ta-  
men sacros describere ipsis maxime conueniret, vt & manus operetur cibos,  
& lectione anima saturetur. Porro Aegyptiorum monasteria hunc morem  
seruasse leguntur, vt nullum monachum absque opere & labore suscipe- c. nunquam  
de cor. dist. 3  
rent, non tam propter victus necessaria, quam propter animæ salutem, ne  
perniciosis cogitationibus vagarentur, neve instar fornicantis Israel, omni Hiere. 3  
transeunti diuarcarent pedes suos.

Monachos vagos sub custodiam reuocandos. Cap. XVII.

**M**onachi qui peruagati fuerint, vbiunque inuenientur, tanquam fu- Ex. 4. Tok.  
gaces nostro auxilio sub custodia reuocentur, Et si qui habitum abie-  
cerint, vt eundem reassumant, cogendi.

Literas priuatas monacho aut monachæ, iniussu Abbatis  
resignare non licere. Cap. XVIII.

**V**T monachi seu monachæ literas nullas vel destinare vel recipere aus-  
deant, absq; Abbatis seu Abbatissæ, aut eius qui ipsorū loco monaste-  
rio præest scientia, summa ratione olim constitutum est, sed per incuriam  
abolitum, id præsentī constitutione innouandum censuimus.

Canonissarum secularium mores reformandi. Cap. XIX.  
Postres